

Waut Besondret

1. Horch mol hää! Ekj hab waut too vetalen!
Hast jehieet, waut en Nazaret passieed?
Eene Junkfru, nich befriet,
Doch sea boolt kjemt de Tiet,
Daut see een kjlienet Kjint to Welt saul brinjen

2. Un nu horch! Dit kaun ekj meist nich jleewen!
Daut Joseph ar noch neem aus siene Fru.
Jo, see sent Maun un Fru. Hee jleeft daut see es tru.
Hee jleeft uk dit es waut Gott woat jefaulen!

Kua: Un doa woat jesajcht daut dit es waut besondret.
Daut dit Kjint es nich blooss von dise Ieed.
Daut een Enjel no an kjeem, un an de Norecht jeef,
Dit's Gott sien Sän, jo daut es waut ekj hieed.

3. Un nu woat jesajcht daut Kjint es aul jebuaren!
Dort wiet auf en Betlehem em Staul.
Wia kjeene aundre Städ, doch see sent gaunz tofräd.
See sent sikj secha dit es Gott sien Wellen.

4. Oba horch! De Jeschicht es noch nich foadich!
Oppe Stap wort de Schophoads daut vetalt.
See spooden sikj doa han, un kjneeden sikj ver am!
Waut aul dit meent daut kaun ekj nich vestonen!

Kua...

5. Saj mie mol! Woo saul ekj dit doch jleewen?
Es daut rajcht, waut mie hia wort jesajcht?
Daut Gott vom Himmel kjemt, aus een kjlienet schwaket Kjint?
Daut hee ons kjemt daut eewjet Läwen brinjen?

Kua: Kaun daut senn? Daut dit es waut besondret?
Daut dit Kjint es nich blooss von dise Ieed?
Daut he vom Himmel kjeem, un ons de Norecht jeef,
Hee's Gott sien Sän? O daut es waut ekj hieed.